

FAQ Program Transformasi Minda (PTM)

FAQ Untuk Pegawai Awam

1. Apakah Program Transformasi Minda?

*Program Transformasi Minda (PTM) diperkenalkan sebagai satu pendekatan untuk memberi pendedahan dan penyesuaian minda pegawai di peringkat awal pelantikan dalam perkhidmatan awam. PTM merupakan satu daripada **syarat pengesahan dalam perkhidmatan** yang diperkenalkan untuk **memberi pendedahan dan penyesuaian minda pegawai** di peringkat awal pelantikan dalam perkhidmatan awam.*

(Perenggan 4 PP 14/2012)

2. Siapakah yang disyaratkan untuk menduduki PTM?

*Pegawai yang **disyaratkan** mengikuti PTM adalah:*

- (a) pegawai lantikan pertama pada atau selepas 1 Januari 2013 yang berkhidmat secara tetap dalam Perkhidmatan Awam; dan*
- (b) pegawai dalam tempoh percubaan dan belum menghadiri Kursus Induksi - Modul Umum.*

(Perenggan 6 PP 14/2012)

3. Adakah pegawai yang belum lulus Ujian Akhir Kursus Induksi perlu menghadiri PTM?

Ya. Mulai 1 Januari 2013, pegawai yang belum lulus Ujian Akhir Kursus Induksi perlu menghadiri PTM.

(Perenggan 6 PP 14/2012)

4. Adakah pegawai yang telah mengikuti Kursus Induksi – Modul Umum tetapi keputusan belum diperolehi pada 1 Januari 2013 perlu mengikuti PTM?

Tidak perlu kerana pegawai telah mengikuti Kursus – Modul Umum sebelum 1 Januari 2013. Pegawai hanya perlu mengikuti PTM sekiranya beliau gagal dalam kursus yang diikuti.

(Perenggan 6 PP 14/2012)

5. Apakah status pegawai yang telah menghadiri kursus Induksi Modul Khusus sahaja?

Pegawai yang hanya pernah menghadiri Kursus Induksi Modul Khusus sahaja masih dikehendaki menghadiri PTM memandangkan pengecualian PTM hanya diberikan kepada pegawai yang telah hadir dengan jaya Kursus Induksi Modul Umum.

(Perenggan 6 PP 14/2012)

6. Siapakah yang boleh mendapat pengecualian daripada mengikuti PTM?

*Pegawai yang boleh mendapat **pengecualian** daripada mengikuti PTM adalah:*

- (a) Pegawai telah **hadir dengan jaya PTM**; atau*
- (b) Hadir dengan jaya **Kursus Induksi - Modul Umum**; atau*
- (c) **Lulus Peperiksaan Am Kerajaan** di skim perkhidmatan terdahulu.*

(Perenggan 7 PP 14/2012)

7. Bolehkah pegawai dari kumpulan pelaksana (sokongan) yang telah dilantik ke kumpulan pengurusan dan profesional dikecualikan daripada menghadiri PTM?

*Boleh **dikecualikan** daripada menghadiri PTM **dengan syarat**:*

- (a) pegawai **telah hadir dengan jaya PTM**; atau*
- (b) **hadir dengan jaya Kursus Induksi - Modul Umum**; atau*
- (c) **Iulus Peperiksaan Am Kerajaan** di skim perkhidmatan terdahulu.*

(Perenggan 7 PP 14/2012)

8. Apakah status pegawai dari Kumpulan Sokongan I dan kemudiannya dilantik ke Gred 41, adakah perlu mengikuti PTM?

***Tidak perlu.** Hanya pegawai lantikan pertama sahaja yang perlu mengikuti PTM. Pegawai juga telah **mengikuti PTM pada gred terdahulu**.*

(Perenggan 7 PP 14/2012)

9. Siapakah yang boleh memberikan pengecualian menghadiri PTM?

Pengecualian menghadiri PTM boleh diberikan oleh **Pengurus Sumber Manusia Kementerian/Jabatan/Agensi** tanpa perlu merujuk Jabatan Perkhidmatan Awam (JPA).

(Perenggan 8 PP 14/2012)

10. Apakah kandungan / kurikulum PTM?

PTM dibahagikan kepada tiga segmen iaitu:

- (a) Segmen I: **Negara dan Perkhidmatan Awam**;
- (b) Segmen II: **Tanggungjawab dan Peranan Pegawai**; dan
- (c) Segmen III: **Budaya Kerja Kelas Pertama**.

(Perenggan 9 PP 14/2012)

11. Berapa lamakah tempoh pelaksanaan PTM?

*Tempoh pelaksanaan program adalah **lima (5) hari**.*

(Perenggan 10 PP 14/2012)

12. Siapakah yang akan melaksanakan PTM?

*PTM akan dilaksanakan oleh **Kementerian/Jabatan/Agensi** di mana pegawai bertugas.*

(Perenggan 10 PP 14/2012)

13. Adakah pegawai gunasama di Kementerian/Jabatan/Agensi boleh mengikuti PTM di Kementerian/Jabatan/Agensi?

Boleh. Pegawai boleh mengikuti di Kementerian/Jabatan/Agensi di mana pegawai bertugas.

(Perenggan 10 PP 14/2012)

14. Apakah kaedah/aktiviti yang boleh dilaksanakan di dalam PTM?

PTM boleh dilaksanakan melalui pelbagai kaedah/aktiviti seperti latihan dalam kumpulan (LDK), sesi interaktif, perbincangan kumpulan, perbincangan kes, kuiz, e-Pembelajaran, ujian psikometrik atau kaedah lain yang bersesuaian yang dipersetujui oleh Panel Pengurusan PTM di Kementerian/Jabatan/Agensi.

(Perenggan 13 PP 14/2012)

15. Adakah terdapat sebarang elemen ujian atau penilaian di dalam PTM?

Penilaian PTM dibuat secara penilaian sepanjang program berdasarkan kepada aktiviti dan kaedah penilaian yang ditetapkan oleh JPA menggunakan borang penilaian di Kembaran A pekeliling. Penilaian kefahaman akan dilaksanakan di akhir sesi PTM.

(Perenggan 14 PP 14/2012)

16. Apakah kriteria yang dinilai sepanjang PTM?

Penilaian sepanjang program dijalankan berasaskan kepada tiga (3) kriteria utama iaitu disiplin dan personaliti, komitmen serta penilaian kefahaman.

(Perenggan 3.1 Garis Panduan Penilaian Program Transformasi Minda-Lampiran C PP 14/2012)

17. Bolehkah pegawai yang berminat untuk mengikuti PTM memohon walaupun telah mengikuti Kursus Induksi Modul Umum dengan jayanya?

Pegawai boleh mengemukakan permohonan kepada Panel Pengurusan PTM di Kementerian/Jabatan/Agensi dan tertakluk kepada persetujuan panel berkenaan untuk meluluskan permohonan berkenaan.

(Perenggan 19 PP 14/2012)

18. Adakah pegawai perlu mengikuti semula keseluruhan PTM sekiranya beliau tidak lengkapkan PTM?

Pegawai perlu mengulang semula mana-mana segmen yang tidak lengkap dengan persetujuan Panel Pengurusan PTM atas sebab-sebab yang dibenarkan.

(Perenggan 20 PP 14/2012)

19. Adakah pegawai perlu menduduki semula penilaian kefahaman sekiranya beliau tidak melengkapkan PTM?

Situasi 1:

Sekiranya pegawai telah menduduki penilaian kefahaman tetapi tidak melengkapkan PTM maka pegawai hanya perlu mengulang semula segmen yang tidak lengkap tanpa penilaian kefahaman.

Situasi 2:

Sekiranya pegawai belum menduduki penilaian kefahaman dan tidak melengkapkan segmen maka pegawai perlu mengulangi kedua-duanya.

(Perenggan 20 PP 14/2012)

20. Apakah kesan kepada pegawai sekiranya pegawai gagal PTM?

*Pegawai yang gagal PTM disebabkan **masalah disiplin dan komitmen** tidak dibenarkan mengulang semula PTM dan boleh **ditamatkan perkhidmatannya**.*

(Perenggan 22 PP 14/2012)

21. Bolehkah pegawai yang gagal PTM mengulangi semula PTM?

*Tidak boleh. Pegawai yang **gagal PTM** tidak dibenarkan mengulang semula PTM dan boleh **ditamatkan perkhidmatannya**.*

(Perenggan 22 PP 14/2012)